

**GODIŠNJI IZVJEŠTAJ  
NAČELNIKA OPĆINE  
ZA 2013. GODINU**

# PROJEKTI

Više od četiri miliona KM u ovoj godini utrošeno je na realizaciju projekata na području Općine Stari Grad. U prethodnih 12 mjeseci sa ovim novcem izgrađeni su i rekonstruisani značajni objekti, popravljene monogobrojne saobraćajnice, kao i izgrađena nova i sanirana postojeća komunalna infrastruktura. U nastavku je detaljan pregled svih realizovanih projekata u Općini Stari Grad u 2013. godini.

# Mevlevijska tekija

Mevlevijska tekija izgrađena je u aprilu na površini od 400 metara kvadratnih u naselju Kovači. Još u osmanskom periodu na tom mjestu nalazila se tekija koja je srušena '50-ih godina, a na njenom mjestu podignut je ugostiteljski objekat, koji je također porušen u prethodnom ratu u BiH. Tekija danas nosi naziv Balkanski mevlevijsko-istraživački centar i njenu gradnju je sa oko 800.000 KM finansirala Općina Seldžuk-Konya sa kojom Stari Grad već dvije godine vežu čvrste pobratimске veze.



# Zavod za specijalno obrazovanje i odgoj djece "Mjedenica"

Objekti Zavoda za specijalno obrazovanje i odgoj djece "Mjedenica" su utopljeni čime je okončan projekat energetske efikasnosti u ovoj odgojno-obrazovnoj ustanovi. U sklopu ovog projekta ugrađena je termoizolaciona fasada i zamijenjena je vanjska i unutrašnja stolarija na domu i školi Zavoda "Mjedenica", saniran je krov i okrećene su prostorije. Uspješno je provedena i akcija čišćenja oko Zavoda. Projekat je finansirala Evropska komanda američkih snaga (US EUCOM), preko svog Ureda za saradnju u oblasti odbrane pri ambasadi SAD-a u BiH, sa iznosom od 500.000 dolara.



# Turbe hadži hafizu Halidu Hadžimuliću

U haremru Bakr-babine džamije u At mejdanu sagrađeno je otvoreno turbe hadži hafizu Halidu ef. Hadžimuliću koji je na Ahiret preselio 8. januara, 2011. godine.

Gradnju turbeta hadži hafizu Halidu ef. Hadžimuliću sa oko 31.700 KM finasirala je turška Općina Seldžuk.



# Informacioni sistem u memorijalnom kompleksu Kovači

Grad Bursa sa oko 26.000 KM je finansirao projekat informatizacije Memorijalnog kompleksa Kovači. U sklopu ovog projekta jedan “touch screen” monitor, koji će pružati određene informacije posjetiocima, nalazi se na ulazu u mezarje, dok će drugi biti postavljen u Amfiteatru Memorijalnog centra.



# Prva faza izgradnje igrališta Iza gaja

Završena je prva faza izgradnje sportskog terena za mali nogomet na lokalitetu Iza gaja. Prva faza, koju je finansirala Općina Stari Grad, koštala je 76.759 KM. Projekat će biti nastavljen u 2014. godini i u njegovu realizaciju bit će uloženo još oko 75.000 KM.



*Igralište Iza gaja*

# **Instalacije u OŠ “Vrhbosna”**

U dograđenom objektu Osnovne škole “Vrhbosna” postavljene su nove elektroinstalacije, vatrodojavni i antenski sistem. Za ovaj projekat iz budžeta Općine obezbijedeno je oko 37.000 KM.

## **Područna škola u naselju Širokača**

Općina Stari Grad je sa 22.000 KM finansirala izmještanje ulaza u područnu školu u naselju Širokača, koja pripada Osnovnoj školi “Edhem Mulabdić”. Na ovaj način obezbijeden je sigurniji pristup školi za oko 100 djece od prvog do petog razreda.



*Elektroinstalacije u OŠ “Vrhbosna”*



*Područna škola u naselju Širokača*

# **Novi poslovni prostor u ulici Halači**

U Ulici Halači broj 1 izgrađen je novi poslovni objekata na površini od 94 metra kvadratna i sastoji se od podruma, prizemlja i potkrovljja. Projekat je sa oko 80.000 KM finansirala Općina Stari Grad.



# **Saniran ulaz u sklonište u Ferhadiji**

Saniran je predulaz i ulaz u sklonište u Ulici Ferhadija broj 13. Sanacija je podrazumijevala popravku i farbanje čeličnih vrata i prozora na ulazu, te postavljanje novih zaštitnih vrata i mreže na predulaz u sklonište. Za ovaj projekat Općina Stari Grad je obezbijedila oko 3.500 KM.

# **Adaptiran poslovni prostor u ulici Kulina bana**

Adaptiran je poslovni prostor u Ulici Kulina bana broj 24/II. Sanirani su podovi, zidovi i plafoni, obijene su podne i zidne pločice, te postavljene nove. Zidovi su okrečeni, a sanirani su i mokri čvorovi, vrata i elektro instalacije. Ovaj projekat sa oko 23.200 KM finansirala je Općina Stari Grad.



*Sklonište u Ferhadiji*



*Poslovni prostor u ulici Kulina Bana*



# **REKONSTRUKCIJA I SANACIJA ULICA**

Za rekonstrukciju ulica na području Starog Grada tokom 2013. godine potrošeno je više od milion KM. Rekonstruisane su ulice: Ferhadija, Pogledine, Bajramuša, Ablakovina, Talirevića, Toka, Trg oko Katedrale, Škaljin sokak, Hamida Svrze, Kamenica i Obhodža.

# Ferhadija

Rekonstrukcija dijela centralne starogradske Ulice Ferhadija, od Ekonomskog fakulteta do apoteke Stari Grad kod Katedrale, okončana je u maju, 2013. godine i ovaj projekat koštao je 572.000 KM. Rekonstrukcija je podrazumijevala zamjenu svih podzemnih instalacija, postavljanje nove podloge i granitnih ploča. Općina Stari Grad je rekonstrukciju Ferhadije finansirala sa 316.100 KM, dok je 255.900 KM obezbijedio Kanton Sarajevo.



# Pogledine

Rekonstruisana su dva kraka Ulice Pogledine od broja 36 do 40 i dio do broja 51 s okretnicom za vozila u starogradskoj Mjesnoj zajednici Hrid – Jarčedoli. Projekat je sa oko 30.800 KM finansirala Općina Stari Grad.

# Bajramuša

Saniran je makadamski dio Ulice Bajramuša od broja 38 do 48 u Mjesnoj zajednici Hrid - Jarčedoli i to u dužini od oko 215 metara. Sanaciju je sa oko 42.200 KM finansirala Općina Stari Grad.

# Ablakovina

Asfaltiran je osnovni pravac Ulice Ablakovina i čikma od broja 39 do 47 u istoimenoj ulici. Ulica je asfaltirana u dužini od 60 metara. Ovaj projekat sa oko 17.000 KM finansirala je Općina Stari Grad.



*Pogledine*



*Bajramuša*



*Ablakovina*

# Trg oko Katedrale

Saniran je cijeli Trg oko Katedrale i prolazi sa obje strane ovog sakralnog objekta. Vrijednost projekta bila je oko 88.000 KM, a finansirala ga je Općina Stari Grad.

# Talirevića

U Ulici Talirevića, u dužini od 243 metra, stari asfalt zamijenjen je novim, te su postavljene rešetke za odvodnju vode. Općina Stari Grad je sa oko 63.800 finansirala ovaj projekat.

# Toka

Asfaltiran je krak Ulice Toka i to od broja 12 do stepenica u Ulici Pastrma. Novi asfalt postavljen je na oko 70 metara ove ulice. Projekat je koštao oko 12.200, a finansirala ga je Općina Stari Grad.



*Trg oko Katedrale*



*Talirevića*



*Toka*

# Škaljin sokak

Asfaltirano je oko 800 metara Ulice Škaljin soka-ka u Mjesnoj zajednici Mošćanica. U sklopu san-acijske postavljena su i četiri nova šahta za odvod-nju oborinskih voda. Projekat je sa oko 166.000 KM finansirala Općina Stari Grad.



Škaljin sokak

# Kamenica

U Ulici Kamenica novi asfalt postavljen je u dužini od 65 metara. Stari, oštećeni asfalt je uk-lonjen i na njegovo mjesto je postavljen novi. Ovaj projekat Općina Stari Grad je finansirala sa oko 10.000 KM.



Hamida Svrze



Kamenica

# **Obhodža**

Asfaltiran je i dio Ulice Obhodža u Mjesnoj zajednici Mošćanica. Novi asfalt postavljen je na dio ove ulice i to od broja 48 do 88, odnosno u dužini od oko 200 metara. Sanaciju i asfaltiranje dijela Ulice Obhodža sa oko 49.400 KM finansirala je Općina Stari Grad.

## **Pristupni put Sarajevo - Pale do kamenoloma "Alpine"**

Rekonstruisana je i sanirana pristupna saobraćajnica od magistralnog puta Sarajevo - Pale do kamenoloma "Alpine" rudnik krečnjaka Lapišnica. Projekat je sa oko 120.000 KM finansirao kamenolom "Alpine" rudnik krečnjaka Lapišnica.



*Obhodža*



*Pristupni put Sarajevo - Pale do kamenoloma "Alpine"*



# Ferhadija - tekuće održavanje

Zamijenjene su i oštećene kamene ploče u ulicama Ferhadija, Jelića i S.H. Muvekita. Projekat je sa oko 5.000 KM finansirala Općina Stari Grad.

## Kovači

Postavljeni su novi pločnici, ivičnjaci i sanirana je granitna kocka na Kovačima. Za ovaj projekat Općina Stari Grad izdvojila je oko 33.000 KM.

## Zimsko održavanje ulica

U 2013. godini Općina Stari Grad je za zimsko održavanje ulica izdvojila oko 200.300 KM. Na osnovu ugovora s komunalnim preduzećem "Rad" ovaj novac bit će utrošen na uklanjanje snijega sa saobraćajnica i stvaranje uslova za normalno odvijanje saobraćaja u zimskom periodu.



*Ferhadija*



*Kovači*



*Kovači*

# Djelimična sanacija i krpljenje ulica

Djelimična sanacija ulica i krpljenje udarnih rupa tokom 2013. godine koštala je oko 36.600 KM. Djelimično su sanirane ulice: Ablakovina – osnovni pravac, Braće Nuhić, Jarčedoli, Bostarići, Nadlipe, Močila, Alifakovac, Obhodža, Braće Mulić, Mraovac, Podcarina, Jekovac, Pehlivanuša, Hošin Brijeg, Veliki Alifakovac, Džemala Čelića, Čeljigovići, Džinina, Evlige Ćelebije, Mišćina, Alije Nametka, Ramića banja, Isevića sokak, Prvi bataljon, Kračule i Berkusa velika 13.



*Džinina*



*Mlini*





*Alifakovac*

# Elektronska prezentacija projekata u oblasti komunalne infrastrukture

Općina Stari Grad je u proteklom periodu realizovala on-line projekat provedenih aktivnosti u oblasti komunalne infrastrukture i trenutnog stanja svih ulica u 16 starogradskih mjesnih zajednica. Na zvaničnoj web stranici Općine [www.starigrad.ba](http://www.starigrad.ba) u svim mjesnim zajednicama ulice su abecedno poredane. Klikom na svaku ulicu građanima će biti ponuđena fotografija ulice, kao i tabelarni prikaz realizovanih projekata u oblasti komunalne infrastrukture sa njihovim ukupnim vrijednostima. Ovdje su predstavljeni svi projekti u oblasti komunalne infrastrukture: sanacija ulica- asfaltiranje, vodovodna i kanalizaciona mreža, rasvjeta, potporni zidovi i saobraćajni znakovi.

Ferhadija



Analiza komunalne infrastrukture

	Uradeno (god.)	Iznos uloženih sredstava	Planirano
Sanacija ulice - asfaltiranje	<ul style="list-style-type: none"><li>• maj, 2010.</li><li>• decembar, 2011.</li></ul>	16.500,00 KM 2.150,00 KM	
Vodovod i kanalizacija			
Rasvjeta			
Saobraćajni znakovi			
Potporni zidovi			

# VODOVOD I KANALIZACIJA

Više od 70.000 KM, koje su obezbijedili kako donatori tako i Općina Stari Grad, potrošeno je na izgradnju i sanaciju vodovodne i kanalizacione mreže u ovoj lokalnoj zajednici.

## Iza Gaja

Nova oborinska kanalizacija postavljena je ispod saobraćajnice Iza gaja i to u dužini od 40 metara. Postojeća kanalizacija koja je bila začepljena nаносима šljunka, pijeska i mulja sa saobraćajnice. Ovaj projekat su finansirali Fond za zaštitu okoliša FBiH sa 28.000 KM, Općina Stari Grad sa 7.345 KM i Direkcija za puteve KS sa 1.869 KM.

## Baruthana

Okončan je projekat postavljanja novih cijevi za odvodnju oborinskih voda u Ulici Baruthana. Postavljanjem novih cijevi u dužini od 40 metara riješen je dugogodišnji problem mještana ove ulice. Projekat je sa oko 9.400 KM finansirala Općina Stari Grad.



Iza gaja



Iza gaja



Baruthana

# **Brdo džamija**

Nova fekalna kanalizacija u dužini od 70 metara postavljena je u Ulici Brdo džamija. Ukupna vrijednost projekta bila je 17.800 KM, a u omjeru pola-pola finansirali su ga Općina Stari Grad i KJKP „Vodovod i kanalizacija“.

## **Sedrenik čikma 131**

Općina Stari Grad ove godine je sa 12.100 KM finansirala izradu kanalizacionog cjevovoda u Ulici Sedrenik čikma broj 131.

## **Mošćanica - Romsko naselje**

S ciljem stvaranja što kvalitetnijih uslova života Općina Stari Grad je ove godine iz budžeta finansirala izgradnju kanalizacione mreže u naselju Mošćanica, gdje je prije nekoliko godina izgradila potpuno novo naselje za svoje stanovnike romske nacionalnosti. Ovaj projekat koštao je oko 6.000 KM.



*Brdo džamija*

# POTPORNI ZIDOV

U 2013. godini izgrađeno je i sanirano deset potpornih zidova na području Općine Stari Grad. Ovaj projekat koštao je oko 310.000 KM i novac je uglavnom obezbijeden iz budžeta Općine Stari Grad.

# Korito rijeke Mošćanice

Izgrađeni su potporni zidovi na obalama rijeke Mošćanice pored Osnovne škole "Vrhbosna". Na lijevoj obali Mošćanice izgrađen je zid dug 62 i visok šest metara sa dva bočna potporna zida. Na desnoj obali Mošćanice novoizgrađeni zid dug je 48 i visok oko tri i po metra. Izgradnjom ovih zidova regulisano je korito rijeke Mošćanice. Uku-pna vrijednost ovog projekta je 140.300 KM, a finansirali su ga Ministarstvo privrede Kantona Sarajevo sa 100.000 KM i Općina Stari Grad s 40.300 KM.



# Pogledine

Izgrađena su dva nova potporna zida u Ulici Pogledine u Mjesnoj zajednici Hrid-Jarčedoli. Jedan je izgrađen na broju 11 u dužini od devet metara i prethodilo mu je rušenje starog koji se nalazio na istom mjestu. Izgradnju ovog zida sa oko 5.500 KM finansirala je Općina Stari Grad. Drugi zid izgrađen je u Ulici Pogledine na broju 10 i to u dužini od 62 metra. Na ovoj lokaciji postojao je stari kameni potporni zid koji je bio u ruševnom stanju i predstavljao je opasnost za kuće koje se nalaze ispod i iznad njega. Projekat je sa oko 44.500 KM finansirala Općina Stari Grad.



Pogledine 10



Pogledine 10



Pogledine 11

# **Grličića brdo**

Novi potporni zid dužine 18 metara izgrađen je i u Ulici Grličića brdo broj 45 u starogradskoj Mjesnoj zajednici Medrese. Gradnju zida sa 20.900 KM finansirala je Općina Stari Grad.

# **Mahmutovac**

Rekonstruisan je potporni zid u Ulici Mahmutovac 157. Zid je rekonstruisan u njegovoj kompletnoj dužini od oko deset metara. Rekonstrukciju sa oko 7.000 KM finansirala je Općina Stari Grad.

# **Boguševac**

Nakon uklanjanja starog ruševnog zida u Ulici Boguševac br.17, izgrađen je novi armirano-betonski zid dužine 34 metra.Gradnja ovog zida, koju je finansirala Općina Stari Grad, koštala je oko 22.300 KM.



*Grličića brdo*



*Mahmutovac*



*Boguševac*

## Ramića banja

Izgrađen je novi potporni zid dužine 12 metara u Ulici Ramića banja. Na mjestu gdje je izgrađen zid protiče potok, pa mu je tokom betoniranja temelja skrenut tok, a potom je ucijevljen ispod saobraćajnice kroz veliku betonsku cijev. Na ovom mjestu postavljen je separatni šaht koji sakuplja oborinske vode sa saobraćajnice i oborinske vode iz Osnovne škole "Sedrenik". Postavljena je i ograda s gornje strane zida. Općina Stari Grad je izgradnju novog potpornog zida finansirala sa oko 28.000 KM.

## Begovac

Osim novog potpornog zida u Ulici Begovac broj 1 u starogradskoj Mjesnoj zajednici Mahmutovac izgrađene su i stepenice. Gradnji novog zida dugog oko deset metara prethodilo je uklanjanje starog, dotrajalog potpornog zida. Izgradnju novog zida sa 17.800 KM finansirala je Općina Stari Grad.



*Ramića banja*



*Ramića banja*



*Begovac*

# **Hambina carina**

Saniran je potporni zid u Ulici Hambina carina broj 8 u Mjesnoj zajednici Širokača. Zid je saniran jer su vremenske nepogode i jake oborinske i podzemne vode uzrokovale pucanje i obrušavanje terena. Vrijednost projekta je oko 12.000 KM, a finansirala ga je Općina Stari Grad.

# **Hamida Svrze**

U Ulici Hamida Svrze broj 3 saniran je oštećeni potporni zid. Na ovom zidu sanirana su oštećenja s ciljem sprječavanja njegovog daljnog obrušavanja. Ovaj projekt Općina Stari Grad finansirala je sa 5.770 KM.

# **Safvet-bega Bašagića**

U Ulici Safvet-bega Bašagića saniran je oštećeni potporni zid. Na ovom zidu sanirana su oštećenja s ciljem sprječavanja njegovog daljnog obrušavanja. Ovaj projekt Općina Stari Grad finansirala je sa 4.770 KM.



*Hambina carina*

# **STEPENIŠTA**

Za rekonstrukciju kamenih stepeništa Općina Stari Grad je ove godine izdvojila oko 140.000 KM. Sanirana su stepeništa u ulicama: Lubina, Ispod oraha - dva stepeništa, Save Skarića i Garaplina.

# Lubina


Rekonstruisana je kamene kaldrme u Ulici Lubina u Mjesnoj zajednici Vratnik, a na istoj lokaciji prethodno je postavljena nova oborinska odvodnja. Postojeći kamen, koji nije bio oštećen, je iskorišten, a onaj koji je bio potpuno uništen zamijenjen je novim. Projekat je sa oko 30.900 KM finansirala Općina Stari Grad.

## Ispod oraha


Sanirana su dva stepeništa u Ulici Ispod oraha u Mjesnoj zajednici Vratnik. Za oba stepeništa Općina Stari Grad je obezbijedila oko 47.000 KM, od čega su jedna koštala oko 23.700, a druga 23.270 KM.



*Lubina*



*Ispod oraha - I dio*



*Ispod oraha - II dio*

# Save Skarića

Rekonstruisana je kamena kaldrma u Ulici Save Skarića u starogradskoj Mjesnoj zajednici Mjedenica. U ovom projektu osim poravke gazišta stepeništa postavljen je sistem za odvodnju oborinskih voda i ograda u dužini od 60 metara. Projekat sa oko 53.000 KM je finansirala Općina Stari Grad.

# Garaplina

Izgrađeno je novo armirano betonsko stepenište ispod bistročke stanice u Ulici Garaplina u Mjesnoj zajednici Bistrik. Stepenište je napravljeno zbog otežanog kretanja pješaka u zimskom periodu, s obzirom da se radi o izuzetno strmom i frekventnom terenu. Gradnju stepeništa je sa oko 6.600 KM finansirala Općina Stari Grad.



*Save Skarića*



*Save Skarića*




*Garaplina*

# **RUKOHVATI, SLIVNICI, STUBIĆI I SAOBRAĆAJNI ZNAKOVИ**

Iz budžeta Općine Stari Grad ove godine potrošeno je oko 126.000 KM za postavljanje rukohvata, slivnih rešetki, saobraćajnih znakova, stubića i korpi za otpad.

# Rukohvati

Za postavljanje rukohvatnih ograda u budžetu za 2013. godinu obezbijedeno je 57.750 KM. Postavljeni su klasični rukohvati od crnih cijevi zaštićenih bojom u dužini od oko 600 metara u 22 ulice: Žagrići (u dužini od 60 metara), Komatin (u dužini od 41 metar), Bostarići (u dužini od 18 metara), Iza Hrida (u dužini od 17 metara), Boguševac (u dužini od 30 metara), Grličića brdo (u dužini od 20 metara), Timurhanova (u dužini od 42 metra), Ramića banja, Kovači, Fir-dus-begova, Obala Kulina bana (u dužini od 16 metara), Za Beglukom (u dužini od 6 metara), Tandareva (u dužini od 60 metara), Komatin (u dužini od 20 metara), Bostarići 1 (u dužini od 36 metara), Sulejmana Zolja (u dužini od 30 metara), Ramića banja donja (u dužini od 20 metara), Turbe (u dužini od 34 metra), Škaljin sokak (u dužini od 76 metara), Muje Hrnjice (u dužini od 38 metara), Bistrik Medrese (u dužini od 6 metara) i Kračule (u dužini od 20 metara). U ulicama Kovači i Timurhanova sanirani su postojeći rukohvati.



Bistrik medresa



Kračule



Sulejmana Zolja

# Slivne rešetke

Općina Stari Grad je u ovoj godini za postavljanje novih 25 gusanih rešetki za vodu izdvojila 13.350 KM. Rešetke su postavljene u ulicama: Safvet-bega Bašagića kod hotela "Heco" i na brojevima 92 i 88, Grličića brdo bb, 5 i 1, Hercina 12, Mihrivode 31 i 29, Mali Sedrenik 57 i 5, Fazilin sokak bb i 1, Hladivode 37 i 1, Konak, Cijetina, Komatin kod džamije 1 i 2, Nadlipe 1, Brajkovac, Mjedenica kod broja 20, Rogina i Sedrenik čikma kod broja 3 i 7. Postavljen je i jedan poklopac za šaht u haremu Bakr-babine džamije. Prilikom montaže rešetke su dodatno učvršćene varenjem, kako bi bila onemogućena njihova krađa.



Cvjetina



Konak



Mjedenica

# Stubići

Postavljen je 31 metalni stubić u ulicama Safvet-bega Bašagića i Bistrik. Radi se o gusanim stubićima koji sprječavaju prolazak automobila. U Ulici Safvet-bega Bašagića postavljeno je deset visokih gusanih stubića, a u ulici Bistrik 21 niski stubić. Postavljanje stubića Općina Stari Grad je finansirala sa oko 4.400 KM.

## Saobraćajni znakovi

Na području Općine Stari Grad postavljena su tri nova saobraćajna ogledala i četiri znaka. Saobraćajna ogledala postavljena su na raskrsnici ulica Škaljin sokak i Streljačka, na spoju ulica Škaljin sokak i Baruthana i u Ulici Jekovac kod broja 30a.

Saobraćajni znakovi postavljeni u ulici Aščiluk do broja 3, na raskrsnici ulica Škaljin sokak i Baruthana i na raskrsnici ulici Toromanova i Glogđina. Za ovaj projekat Općina je izdvojila oko 2.300 KM.



Stubići u ulici Safvet-bega Bašagića



Saobraćajni znak u ulici Jekovac



Saobraćajni znak u ulici Škaljin sokak

# LED rasvjeta u parku At mejdan

U parku At mejdan postavljena je ulična rasvjete evropskog kvaliteta. Radi se o LED rasvjeti čiji je proizvođač goraždanska firma “Bekto Precisa”. Ovaj projekat sa oko 45.000 KM finansiralo je Ministarstvo prostornog uređenja i zaštite okoliša KS.

## Korpe za otpad

Dvanaest novih betonskih korpi za otpad postavljeno je na kombi, trolejbuskim, autobuskim i tramvajskim stanicama u užem jezgru Starog Grada. Na ovaj način riješen je dugogodišnji problem odlaganja otpada na najprometnijim stanicama u Starom Gradu. Projekat postavljanja korpi za otpad s oko 3.000 KM finansirala je Općina Stari Grad.



*Led rasvjeta u parku At mejdan*



*Korpe za otpad*



*Korpe za otpad*

# **ZAŠTITA KULTURNO- HISTORIJSKOG NASLJEDJA**

Tokom ove godine rekonstruisana su četiri spomenika kulture koji se nalaze na teritoriji Općine Stari Grad. Za ove projekte ukupno je potrošeno oko 170.000 KM.

# Latinska čuprija

Sanirana je parterna površina mosta Latinske čuprije. Sanacija je bila neophodna zbog velikih oštećenja koja su nastala tokom zimskih mjeseci zbog korištenja soli za posipanje. Na mostu su demonitirane oštećene kamene ploče i postavljene nove. Projekat je realizovan u saradnji sa Zavodom za zaštitu kulturno-historijskog i prirodnog naslijeđa Kantona Sarajevo, a finansirala ga je Općina Stari Grad sa oko 28.000 KM.



# Saburina kuća

Završena je prva faza sanacije i restauracije stambene cjeline Saburina kuća, koja je 2006. godine proglašena nacionalnim spomenikom BiH. U ovoj fazi očišćen je prostor oko kuće, omalterisana je njena unutrašnjost, zamijenjeni su podovi, kao i elektro i vodovodne instalacije. Sanaciju prve faze ovog spomenika kulture sa 75.000 KM finansirala je Općina Stari Grad. U drugoj fazi, koja je planirana za narednu godinu, unutrašnjost Saburine kuće bi trebalo da bude u potpunosti restaurirana, a to će podrazumijevati sanaciju plafona, drvenih dijelova, štokova oko prozora, vrata, sofa.



# Ferhadija džamija


Konzervaciju i restauraciju likovnog dekora unutrašnjosti Ferhadija džamije, spomenika kulture, Općina Stari Grad je sufinansirala sa 60.000 KM. Unutrašnjosti džamije je vraćen originalan izgled likovnih dekoracija na zidovima, što je urađeno na bazi istražnog elaborata i raspoložive literature, a projektom su obuhvaćene i vanjske sofe. Glavni restaurator na projektu bio je Nihad Čengić.

# Bakr-babina džamija

Obloženi su betonski zidovi i ugrađene mramorne ploče oko Bakr-babine džamije. Realizaciju projekta sa oko 6.000 KM finansirala je Općina Stari Grad.



*Ferhadija džamija*



*Ferhadija džamija*



*Bakr-babina džamija*

# **AKTUELNI PROJEKTI**

# Gradnja kanalizacione mreže u MZ Mošćanica

Gradnja primarne kanalizacione mreže u Mjesnoj zajednici Mošćanica je u toku i realizacijom ovog projekta za gotovo 40 domaćinstava bit će stvoren uslovi za priključenje na novu mrežu. Projekat košta 96.000 KM i finansira ga Fond za zaštitu okoliša FBiH i to na osnovu projekta „Dovršenje dijela kanalizacione mreže u MZ Mošćanica - zaštita rijeke Mošćanice“, s kojim je Općina aplicirala prema ovoj ustanovi.



# Numeracija ulica u Starom Gradu


Nove table s nazivima ulica i kućnim brojevima bit će postavljene u 53 starogradske ulice i na 3.199 objekata. Projekat numerisanje starogradskih ulica, koji je počeo prošle godine, bit će realizovan u mjesnim zajednicama: Mahmutowac, Hrid-Jarčedoli, Toka-Džeka, Širokača, Bistrik, Babića bašča, Kovači, Medrese, Mjedenica, Mošćanica, Sedrenik, Sumbuluša, Vratnik i Logavina. Nove table izradilo je Društvo za zapošljavanje osoba hendi kepiranog sluha i govora “Pismolik” i njihovo štampanje sa oko 50.000 KM finansirala je Općina Stari Grad.



# Aleja Ambasadora

Aleja ambasadora u ovoj godini bogatija je za 11 lipa. Tokom ove godine „svoje“ lipe su zasadili: njemačka ambasadorica Ulrike Maria Knotz, američki ambasador Patrick S. Moon, švedski ambasador Bosse Hedberg, španska ambasadorica Maria Aurora Mejia Errasquin, italijanski ambasador Raimondo de Cardona, brazilski ambasador Jose August Lindgren Alves, grčki ambasador Karolos Gadis, slovenski ambasador Iztok Grmek, crnogorski ambasador Dragan Đurić, ambasadorica Kraljevine Norveške Anne Vibeke Lilloe i ambasador Ujedinjene Kraljevine Velike Britanije Nigel Casey.

Svim ambasadorima u BiH, koji su zasadili lipu, čelnici Općine Stari Grad Sarajevo uručili su certifikat, potvrdu da su zasadili „svoju“ lipu i pozivnicu za ponovni dolazak u Sarajevo kao i skicu Aleje ambasadora sa dosada svim zasađenim lipama.



*Načelnik Hadžibajrić, predsjedavajući OV Dodik i ambasadori Slovenije i Grčke sa saradnicima*



*Norveška ambasadorica i načelnik Hadžibajrić*



*Hadžibajrić i Casey*

# **UREDJENJE JAVNIH POVRŠINA**

# Zelene površine

Tokom 2013. godine velika pažnja posvećena je uređenju i čišćenju zelenih površina. Tako su uređene zelene površine na lokacijama: Mustaj-pašin mјedan I i II, At međan, Osmangazi-Bur-sa sebilj i centralni dio Trga oslobođenja - Alija Izetbegović. U sklopu ovog projekta oštećeno i suho grmlje je uklonjeno, revitalizirani su travnjaci na koje je posađena nova trava, te su postavljene nove gusne klupe. Na centralnom dijelu Trga oslobođenja - Alija Izetbegović zasadene su 423 sadnice šimšira, 20 sadnica crvenih i 40 sadnica bijelih ruža i 150 sadnica sezonskog cvijeća. Ovaj projekat sa oko 6.800 KM finansirala je Općina Stari Grad. Općina je također sa 1.400 KM finansirala i zamjenu polomljenih ploča na Trgu oslobođenju - Alija Izetbegović.



Trg Oslobođenja - Alija Izetbegović



At međan



Mustaj-pašin mјedan

# Šetalište Dariva

U skopu projekta “Hortikulutrno uređenje javnih zelenih površina Kantona Sarajevo u funkciji dravijeg i ugodnijeg ambijenta življenja i rada” uređeno je šetalište Dariva. Na ovoj lokaciji i to na površini od oko 14.000 metara kvadratnih zasađene su sadnice zaštitnog karaktera i to: zasađeno je 50 sadnica javora i jasena i 20 srebrnih jela. Projekat je koštao 32.386 KM i finansirao ga je Fond za zaštitu okoliša FBiH.



# Čišćenje saobraćajnica, pristupnih puteva i igrališta

Općina Stari Grad je u 2013. godini obezbijedila oko 34.500 KM za čišćenje saobraćajnica, pristupnih puteva i igrališta. U ovoj godini s puta Pogledine i Iza gaja očišćeno je šiblje (5.8.2013.), u saradnji sa Opštnom Istočni Stari Grad očišećeno je dva kilometra staze koja se odvaja s glavnog puta prema Brusu i vodi do vrha žičare na Trebević, a koja je bila zapuštena (19.4.2013.), te je iz Ulice Mihrivode uklonjeno šiblje i drugo rastinje (29.8.2013.). Također je uređeno sportsko igralište u Ulici Močila. Uređenje igrališta je podrazumijevalo zamjenu koševa, popravku željezne ograde i 11 klupa (2.10.2013.). Osim toga, iz Bistričkog potoka odvučeno je oko 180 tona otpada (31.7.2013.), očišćene su padine od igrališta Babića bašča prema Miljacki, uklonjeno šiblje s prostora oko Mevlvijske tekije i lokacije Dariva - Garaplina, očišćene dvije deponije i ograđen prostor u Ulici Iza hrida 42, te je posjećeno samoniklo šiblje oko Kasarne "Jajce".



Mihrivode



Iza gaja



Močila

# Uređenje Aleje ambasadora

Za nekoliko projekata uređenja Aleje ambasadora koji su realizovani tokom ove godine Općina Stari Grad je obezbijedila oko 32.500 KM.

Ujulu, ove godine Općina Stari Grad je angažovala članove Planinarskog društva "Željezničar" da uklone odrone stijena na tri lokacije u Aleji ambasadora (3.6.2013.). Ova akcija koštala je oko 1.000 KM. Mjesec kasnije provedena je akcija uklanjanja zmija sa šetnice u Aleji ambasadora (3.7.2013.), za šta je Općina Stari Grad obezbijedila 6.000 KM.

Za održavanje i čišćenje Aleje ambasadora Općina Stari Grad je izdvojila 19.600 KM. Osim toga, za produženje tj. izgradnju betonskog potpornog zida na dijelu gdje akreditovani ambasadori u BiH sade lipe izdvojeno je oko 4.700 KM, a za ugradnju spomen ploča u potporni zid uz stablo potrošeno je oko 1.200 KM.



# Sanacija ruševnih objekata

S ciljem osiguranja bezbjednosti pješaka, automobila i susjednih objekata Općina Stari Grda je ove godine uklonila devastirani objekat U Ulici Mjedenica broj 37 (17.6.2013.). Uklonjeni su i ruševni dijelovi objekta u Ulici Alifakovac broj 22 (24.9.2013.). Isti objekat poduprt je nosivim gredama, očišćen je otpad s kompletног prostora i postavljena ograda oko objekta.

Sanirana su i dva ruševna zida na području Općine Stari Grad. Jedan zid nalazi se u Ulici Halilbašića broj 1a (24.1.2013.), a drugi u Ulici Strošići broj 65. Oba zida obrušavala su se na saobraćajnicu i predstavljala su opasnost za pješake i vozila.



Mjedenica



Halilbašića



Alifakovac

# **Sjećanje na šehide i poginule borce**

Predstavnici Općine Stari Grad i ove godine izuzetnu pažnju posvetili su šehidima i poginulim borcima posjećujući mezarja i odajući počast najzaslužnijim za utemeljenje BiH kao države. Predstavnici Općine Stari Grad obilježili su najznačajnije datume u najnovijoj historiji BiH. Na brojat ćemo samo neke od njih:

- U Ulici Isevića sokak kod broja 23 15. januara položeno je cvijeće i odata počast ubijenim građanima
- Polaganjem cvijeća, učenjem Fatihe i minutom šutnje 5. februara obilježena je 19-a godišnjice stradanja građana na pijaci Markale i Dana sjećanja na sve poginule građane Sarajeva u periodu od 1992.-1995.godine. Na ovoj pijaci neprijateljska granata ubila je 67, a ranila 142 građanina.
- Polaganjem cvijeća na spomen ploču u Ulici Ferhadija i učenjem Fatihe 27. maja odata je počast za 26 poginulih i 108 ranjenih građana.

- Polaganjem cvijeća na mezarja sarajevskih velika i učenjem fatihe 2. maja obilježen je Dan Općine Stari Grad. Cvijeće je položeno na mezar Isa-bega Ishakovića u Carevoj džamiji, Gazi Husrev-begu, te šehidima na Šehidskom mezarju Kovači.
- Učenjem Fatihe i polaganjem cvijeća, 26. juna obilježena je 20. godišnjica stradanja sedmoro djece u Ulici Bakarevića, u starogradskom naselju Bistrik.
- Učenjem jasina šehidima i poginulim borcima i polaganjem cvijeća na spomen-obilježja Širokača i Toka-Džeka 5. maja obilježen je Dan formiranja „Odreda Širokača“.
- U Ulici Halači kod broja 5 23. avgusta, 2013. godine obilježena je 21-a godišnjica pogibije osam i ranjavanja troje građana Sarajeva.
- Položeno je cvijeće i odata počast u Ulici Mula Mustafe Bašeskije gdje su 28. avgusta prije 18 godina poginule 43 osobe, a njih 84 su ranjene.



*Sporazum o saradnji između Općina Stari Grad i Umranje*



*Potpisan Protokol imedju Općine Stari Grad Sarajevo i Općine Mamak*



# PROTOKOLARNE AKTIVNOSTI

## SPORAZUMI

Općina Stari Grad tokom 2013. godine nastavila je aktivnosti na potpisivanju sporazuma o saradnji sa općinama iz zemalja u okruženju.



*Sporazum o saradnji između Općina Stari Grad i Gostivar*



*Načelnici Starog Grada i Gostivara*



*Potpisan Sporazum sa Ohridom*

# Saradnja sa Općinom Umranije

Predstavnici Općine Stari Grad i Opštine Umranije krajem maja potpisali su Sporazum o saradnji. Sporazum o saradnji, koji će se prije svega temeljiti na poslovno-tehničkoj i kulturno-sportskoj osnovi, potписан je u Općini Stari Grad.

# Saradnja sa Općinom Mamak

Načelnik Općine Stari Grad Sarajevo Ibrahim Hadžibajrić i načelnik Općine Mamak Mesut Akgul u avgustu su potpisali Protokol o bratimljenju. Ovaj Protokol, potписан u Mamaku, doprinenje će jačanju lokalnih zajednica, te njihovom međusobnom povezivanju.



## **Saradnja sa Opštinom Ohrid**

Povelju o bratimljenju Općine Stari Grad Sarajevo i Opštine Ohrid u ovoj makedonskoj opštini potpisali su 8. decembra predsjedavajući Općinskog vijeća Stari Grad Sarajevo Vedran Dodik i predsjedavajuća Općinskog vijeća Opštine Ohrid Gordana Konjanovski.

## **Saradnja sa Opštinom Gostivar**

Sporazum o bratimljenju Općine Stari Grad i makedonske Opštine Gostivar 16. decembra su potpisali načelnici Starog Grada i Gostivara Ibrahim Hadžibajrić i Nevzat Bejta. Sporazumom je predviđena tješnja saradnja kao nastavak razvijenih kontakata u proteklom periodu između Gostivara i Starog Grada.

# **Komunikacija načelnika s gradjanima**

Tokom ove godine više od 1.000 građana je, na osnovu zahtjeva na Info pultu, zatražilo sastanak s načelnikom Općine Stari Grad Ibrahimom Hadžibajrićem, s ciljem rješavanja vlastitih problema, koji su uglavnom bili socijalne prirode. Mnogi građani sastanak su s načelnikom tražili i putem njegove e-mail adrese. U odnosu na prethodnu godinu broj građana koji je tražio sastanak s načelnikom je udvostručen. Svi građani koji su podnijeli zahtijev tokom ove godine su i primljeni.

## **Javne nabavke**

Ured sekretara državne službe Općine Stari Grad tokom 2013. godine proveo je 257 procedura javnih nabavki u skladu sa Zakonom o javnim nabavkama FBiH.